



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK

telefon: 035/668-650;
fax: 035/ 668- 672

Alije Izetbegovića 60-2

75246 Čelić

Broj: 02-45-3089/21
Čelić, 01.12.2021. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14) člana 16. Pravilnika o postupku javnih nabavki roba, usluga i radova u Općini Čelić, broj: 02-45-901/21 od 16.03.2021. godine i člana 39. Statuta Općine Čelić („Službeni glasnik Općine Čelić“ broj:3/17), na Preporuku Komisije za nabavku broj: 02-45-3089/21 od 01.12.2021. godine, u postupku javne nabavke „Nabavka usluga nadzora nad izvođenjem radova na realizaciji projekata na području Općine Čelić“, Općinski načelnik donosi:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku broj: 02-45-3089/21 od 01.12.2021. godine i Okvirni sporazum o „Nabavka usluga nadzora nad izvođenjem radova na realizaciji projekata na području Općine Čelić“, dodjeljuje se ponuđaču „DH Inženjering“ d.o.o. Brčko, ponuda zaprimljena na protokol ugovornog organa dana 21.10.2021.godine, po ponuđenoj cijeni u iznosu od 12.250,00 KM.

Član 2.

Obavezuje se ponuđač iz člana 1.ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u Tenderskoj dokumentaciji broj: 02-45-3089/21 od 18.10.2021. godine.

Član 3.

Prijedlog okvirnog sporazuma dostavit će se na potpis izabranom ponuđaču iz člana 1.ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđačima koji su učestvovali u predmetnom postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-45-3089/21 od 07.10.2021. godine. Javna nabavka usluga „Nabavka usluga nadzora nad izvođenjem radova na realizaciji projekata na području Općine Čelić“ provedena je putem otvorenog postupka. Procijenjena vrijednost javne nabavke iznosila je 31.250,00 KM bez PDV-a. Obavještenje o nabavci broj: 306-1-2-94-3-29/21 objavljeno je na Portalu javnih nabavki dana 18.10.2021. godine

Komisija za javne nabavke imenovana Rješenjem broj: 02-45-3089/21 od 07.10.2021. godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-3089/21 od 30.11.2021. godine, Preporuku o izboru najpovoljnijeg ponuđača broj: 02-45-3089/21 od 01.12.2021. godine i Izvještaj o radu komisije broj: 02-45-3089/21 od 01.12.2021. godine.

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku javne nabavke pristiglo ukupno pet ponuda i to: „DH Inženjering“ d.o.o. Brčko, „Radis“ d.o.o. Istočno Sarajevo, „IPSA INSTITUT“ d.o.o. Sarajevo, Institut za građevinarstvo „IG“, Banja Luka i d.o.o. „Papilon“ Koraj-Čelić,
- da je blagovremeno primljeno pet ponuda,
- da nije bilo neblagovremeno primljenih ponuda,
- da ponude ponuđača ispunjavaju kvalifikacione uslove predviđene Tenderskom dokumentacijom, te su ocijenjene kao kvalifikovane i prihvatljive,
- da je ponuđač d.o.o. „Papilon“ Koraj-Čelić odustao od ponude dana 29.11.2021.godine.

Dana 29.11.2021.godine ponuđač d.o.o. „Papilon“ Koraj-Čelić, dostavio je Obavijest o odustajanju od ponude broj: 17/21, ponuda broj: 121/21 od 04.11.2021.godine, „Ponuda za nabavku usluga nadzora na realizaciji projekata na području općine Čelić“, a kao razlog za isti je naveo član 95. stav 6) Zakona o prostornom uređenju i građenju („Službene novine TK“, broj: 06/11, 04/13, 15/13, 02/16) kojim se propisuje da nadzor nad građenjem investitor ne može povjeriti istoj pravnoj osobi kojoj je povjerio građenje svoje građevine. Ponuđač je dana 11.11.2021.godine, sa ugovornim organom-Općinom Čelić, potpisao ugovor o izvođenju radova „Uređenje korita Čeličke rijeke“ broj: 02-21-472/21.

Komisija je nakon ocjene ponuda dana 01.12.2021. godine dala preporuku ugovornom organu da okvirni sporazum zaključi sa ponuđačem „DH Inženjering“ d.o.o. Brčko sa najnižom ponuđenom cijenom u iznosu od 12.250,00 KM.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.


U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine („Službeni glasnik BiH“ broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1.ove Odluke.

Uputstvo o pravnom lijeku

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.



OPĆINSKI NAČELNIK

Admir Hrustanović
Admir Hrustanović, dipl. oec

Dostavljeno:

1. Ponuđačima (5x)
2. Komisiji za nabavke
3. Službi za računovodstvene poslove, privredu, promet i razvoj
4. Za općinsku web stranicu
5. Evidenciji
6. Arhivi